



CONVENIO DE COLABORACIÓN ENTRE A AXENCIA GALEGA DE INFRAESTRUTURAS E O CONCELLO DE BARALLA PARA A MELLORA DA RÚA ÁNHEL FOLE

Santiago de Compostela, 9 de maio de 2017

REUNIDOS

Dunha parte, Ethel Ma Vázquez Mourelle, presidenta da Axencia Galega de Infraestructuras, facultada para a formalización deste convenio polo Decreto 173/2011, do 4 de agosto, polo que se aproba o estatuto da Axencia Galega de Infraestructuras.

Doutra parte, Manuel Jesús González Capón, na súa condición de alcalde do Concello de Baralla, actuando en virtude das facultades representativas que lle atribúe o artigo 21.1 b) da Lei 7/1985, do 2 de abril, reguladora das bases do réxime local.

Ambas as dúas partes recoñécense mutuamente na calidade en que interveñen con capacidade legal suficiente e necesaria para o outorgamento do presente convenio de colaboración e, a tal efecto

EXPOÑEN

Primeiro. No Concello de Baralla cómpre levar a execución das obras de "Mellora da rúa Ánchel Fole. Treito Praza-Maior-Centro de Saúde" cunha renovación integral desta rúa de 530 metros situada en pleno casco urbano, co fin de ofrecer unha maior seguridade tanto aos vehículos coma os peóns.

Segundo. O Plan de Mobilidade e Ordenación Viaria estratéxica, plan MOVE, contempla entre as súas liñas básicas garantir a seguridade no transporte, mellorando as condicións das infraestructuras.

O Plan de Seguridade Viaria de Galicia 2016-2020 ten como obxectivo estratéxico 2 a consecución de vías de tránsito e mobilidade máis seguras.



Terceiro. A actuación que pretende realizar o Concello de Baralla consiste nunha mellora integral da rúa Ánxel Fole. Treito Praza Maior-Centro de Saúde, que engloba a renovación do servizo de abastecemento, saneamento, pluviais alumeado público así como a renovación e ampliación da beirarrúas. Todas estas actuacións de xeito directo ou indirecto inciden na seguridade dos condutores e dos peóns. A renovación dos servizos de abastecemento, saneamento e pluviais evitaran a formación de fochancas na calzada. E a renovación do alumeado público tamén incide nunha maior seguridade na rúa.

Cuarto. A Rúa Ánxel Fole cun trazado paralelo á N VI é unha vía urbana moi transitada. A actuación que pretende realizar o Concello de Baralla para a súa renovación é complementaria á propia idea básica e intrínseca da estrutura elemental da calzada e da infraestrutura viaria. Nalgúns tramo da rúa ampliarase a calzada e as beirarrúas, salvo que as edificacións existentes non o permitan, terán unha anchura media de 1,80 m. Ditas ampliacións repercuten directamente nunha maior seguridade viaria que se complementa coa renovación dos servizos públicos que presta o concello. Esta dobre consideración de complementariedade e actuación en materia de seguridade viaria, xustifican a concesión directa dunha subvención ao Concello de Baralla ao abeiro do disposto no artigo 19.4 c) da Lei 9/2007, do 13 de xuño, de subvencións de Galicia, por parte da Axencia Galega de Infraestructuras.

Por todo o exposto as partes acordan asinar o presente convenio de colaboración en base ás seguintes

CLÁUSULAS

PRIMEIRA.- OBXECTO.

O obxecto deste convenio é o establecemento das condicións que rexerán a colaboración entre a Axencia Galega de Infraestructuras e o Concello de Baralla para a execución das obras de "Mellora da rúa Ánxel Fole. Treito Praza Maior-centro de saúde",



O orzamento de execución das obras é de OITOCENTOS VINTE E NOVE MIL SEISCENTOS TRINTA E SETE EUROS CON ONCE CÉNTIMOS DE EURO (829.637,11) €

SEGUNDA.- REQUISITOS.

De acordo co establecido no artigo 4 do Decreto 193/2011, do 6 de outubro, polo que se regulan especialidades nas subvencións ás entidades locais galegas, será requisito para a concesión desta subvención directa que o Concello de Baralla cumprise co deber de remisión ao Consello de Contas da súa conta xeral.

TERCEIRA. - OBRIGAS DO CONCELLO.

Ademais das establecidas no artigo 11 da Lei 9/2007, do 13 de xuño, de subvencións de Galicia, serán obrigas do Concello de Baralla:

- 1.- Aprobar o documento técnico elaborado a instancias da Xunta de Galicia.
2. Asumir as obrigas económicas que excedan do importe consignado na cláusula cuarta.
3. Cumprir os requisitos para obter a condición de beneficiario establecidos no artigo 10 da Lei 9/2007, do 13 de xuño, de subvencións de Galicia.
4. Consonte o establecido no artigo 27.5 da Lei 9/2007, do 13 de xuño, de subvencións de Galicia, o concello asume, na súa condición de beneficiario, a total responsabilidade ante a Axencia Galega de Infraestructuras. Tamén se compromete a establecerlle ao contratista a obriga de colaboración para o exercicio das funcións de control previstas no artigo 45 da citada lei.
5. Facilitar, se fose o caso, toda a información que lle sexa requirida pola Intervención Xeral da Comunidade Autónoma, polo Tribunal de Cuentas e polo Consello de Contas de Galicia no exercicio das súas funcións de fiscalización e control do destino das axudas obxecto do presente acordo.



6. Comunicar á Axencia Galega de Infraestructuras, se fose o caso, a alteración nas condicións tidas en conta para a concesión da axuda obxecto deste convenio e, en todo caso, a obtención concorrente de subvencións ou axudas outorgadas por outras administracións, entes públicos ou privados, nacionais ou internacionais para os efectos de propoñer, se procedera, a modificación das condicións establecidas neste convenio.

7. Comunicar á Axencia Galega de Infraestructuras a data de recepción das obras para os efectos de que esta envíe un representante se así o estima oportuno.

8. O concello deberá dar publicidade da obra mediante un cartel anunciador no que conste expresamente o financiamento da Xunta de Galicia (Consellería de Infraestructuras e Vivenda – Axencia Galega de Infraestructuras) de acordo coa imaxe corporativa oficial da Xunta de Galicia.

O Concello de Baralla achegará para financiar as obras ata un máximo de 80.000 € con cargo aos orzamentos do concello.

CUARTA.- COMPROMISOS DA XUNTA DE GALICIA.

A Xunta de Galicia, a través da Axencia Galega de Infraestructuras, asume o compromiso de financiar as obras, destinando para iso ata un máximo de **SETECENTOS CORENTA E NOVE MIL SEISCENTOS TRINTA E SETE EUROS CON ONCE CÉNTIMOS DE EURO (749.637.11€)**, con cargo a partida orzamentaria 08.A1.512B.760.0, código de proxecto 1999 06714, dos orzamentos da Axencia Galega de Infraestructuras para o ano 2017, de acordo coas seguintes anualidades:

2017: 253.261,02 €

2018: 496.376,09 €

QUINTA.- PAGAMENTO E XUSTIFICACIÓN.

Segundo o establecido nos artigos 31.6 da Lei 9/2007, do 13 de xuño, de subvencións de Galicia e 63.2 do Decreto 11/2009, do 8 de xaneiro, polo que se aproba o Regulamento da Lei 9/2007, do 13 de xuño, de subvencións de Galicia, poderán realizarse pagamentos anticipados.



O Concello de Baralla require como financiamento necesario para poder levar a cabo as actuacións inherentes á subvención pagos anticipados previos á xustificación. De conformidade do parágrafo 4 do artigo 63.2 do regulamento de subvencións establécense os termos nos que se realizarán ditos anticipos:

Anualidade 2017. Poderase outorgar un anticipo do 50%, 126.630,51 €, se o Concello de Baralla ten licitada a obra.

Anualidade 2018 Poderase outorgar un anticipo do 50%, 248.188,05 € se o Concello de Baralla xustifica a totalidade da anualidade 2017.

A xustificación dos gastos realizarase nos termos establecidos na Lei 9/2007, do 13 de xuño, de subvencións de Galicia, no seu Regulamento e no Decreto 193/2011, do 6 de outubro, polo que se regulan as especialidades nas subvencións ás entidades locais galegas.

O Concello de Baralla xustificará a subvención mediante a presentación da seguinte documentación:

- Certificación da intervención ou do órgano que ten atribuídas as facultades de control da toma de razón en contabilidade do gasto realizado e do cumprimento da finalidade para a que foi concedida.
- Certificación expedida pola secretaría da entidade local, co visto e prace do alcalde, relativa á aprobación polo órgano competente da conta xustificativa da subvención na que se faga constar, como mínimo, de forma detallada:
 - O cumprimento da finalidade da subvención.
 - Os gastos totais imputables á actuación subvencionada, coa identificación do acredor/a, número de factura, data de emisión e data de recoñecemento da obriga polo órgano competente.
 - Os documentos acreditativos dos gastos realizados con recursos propios.



- Unha relación detallada doutros ingresos ou subvencións que financiasen a actividade subvencionada, coa indicación do importe e a súa procedencia, de ser o caso.
- Acreditación do cumprimento das obrigas tributarias, coa Seguridade Social, e de non ter pendente de pagamento débedas coa administración pública da comunidade autónoma de conformidade co establecido nos artigos 10 e 11 do Decreto 11/2009, do 8 de xaneiro, polo que se aproba o Regulamento da Lei 9/2007, do 13 de xuño, de subvencións de Galicia.
- Declaración responsable da obtención doutras subvencións, axudas, ingresos ou recursos que financien as actuacións subvencionadas.
- Mostra fotográfica da publicidade da subvención, segundo o establecido na cláusula terceira do convenio.

Serán subvencionables os gastos realizados durante os anos 2017 e 2018, de acordo coas anualidades previstas. A data límite para xustificación destes gastos é o 30.11.2017 para os gastos imputables á anualidade 2017 e 30.11.2018 para os gastos imputables á anualidade 2018.

O pagamento realizarase pola parte proporcional da contía da axuda efectivamente xustificada calculada en función da porcentaxe subvencionada sobre o custo total da actividade. Polo tanto, de cada un dos gastos xustificados que presente o concello a Axencia aboará o 90,36%.

SEXTA.- SEGUIMIENTO E CONTROL.

Para o seguimento, control e avaliación de cantas dúbidas poidan xurdir na aplicación do convenio poderase constituír unha comisión de seguimento, coa participación dun representante da Axencia Galega de Infraestructuras e dun representante do Concello de Baralla.

A comisión poderase reunir as veces que se estime oportunas para o cumprimento do convenio. En todo caso, a solución das incidencias que poidan xurdir estará condicionada polas limitacións orzamentarias incluídas na cláusula cuarta.



As cuestións litixiosas xurdidas da interpretación, desenvolvemento e aplicación do convenio serán resoltas pola Axencia Galega de Infraestructuras, poñendo os seus acordos fin á vía administrativa. Contra estes acordos poderase interpoñer recurso contencioso- administrativo ante o Tribunal Superior de Xustiza de Galicia, de conformidade co disposto na Lei 29/1998, do 13 de xullo, reguladora da xurisdición contencioso-administrativa.

SÉTIMA. - NATUREZA DO CONVENIO.

Este convenio ten natureza administrativa, rexéndose polas cláusulas que nel se establecen e, no seu defecto, polo regulado na Lei 9/2007, do 13 de xuño, de subvencións de Galicia, no Decreto 11/2009, do 8 de xaneiro, polo que se aproba o Regulamento da lei de subvencións de Galicia e na Lei 38/2003, do 17 novembro, xeral de subvencións e demais normas de procedente aplicación.

OITAVA.- COMPATIBILIDADE.

Esta axuda é compatible coa obtención doutras subvencións, axudas, ingresos ou recursos doutras entidades para a mesma finalidade procedentes de calquera Administración ou entes públicos ou privados, nacionais, da Unión Europea ou de organismos internacionais, sempre que a contía total das axudas non supere o 100% do importe da actividade subvencionada. No caso de que a subvención concedida supere, illadamente ou en concorrencia con outras, o custo da actividade para a que foi concedida a subvención, descontarase o exceso obtido sobre o citado custo.

NOVENA.- REVOGACIÓN, REINTEGRO E RESOLUCIÓN.

A axuda concedida ao amparo deste convenio poderá ser obxecto de revogación ou reintegro, xunto cos xuros de demora, cando concorran as circunstancias previstas nos artigos 32 e 33 da Lei 9/2007, do 13 de xuño, de subvencións de Galicia, nos artigos 74 e seguintes do Decreto 11/2009, do 8 de xaneiro, polo que se aproba o Regulamento da lei de subvencións de Galicia e na Lei 38/2003, do 17 novembro, xeral de subvencións.

Será causa de reintegro total o incumprimento das obrigas establecidas na cláusula terceira deste convenio.



En todo caso, será causa de extinción deste convenio a inviabilidade da realización da actuación por causas non imputables ás partes. Así mesmo, será causa de extinción a denuncia por causas de interese público a instancia de calquera das partes asinantes.

DÉCIMA.- PUBLICIDADE.

De conformidade co artigo 17 da Lei 1/2016, do 18 de xaneiro, de transparencia e bo goberno, a Axencia Galega de Infraestructuras publicará no Diario Oficial de Galicia e na páxina web oficial o importe da axuda concedida. A sinatura do convenio leva implícito o consentimento expreso do beneficiario a favor da Administración concedente para o tratamento necesario dos datos relevantes da axuda concedida e a súa publicación.

Así mesmo, en cumprimento do disposto no artigo 20 da Lei 38/2003, do 17 de novembro, xeral de subvencións, a información requirida será comunicada á Base de Datos Nacional de Subvencións (BDNS).

UNDÉCIMA.- VIXENCIA DO CONVENIO.

Este convenio terá vixencia dende a súa sinatura ata o 31 de decembro de 2018 e financiará os gastos realizados dende o 1 de xaneiro de 2017 nas condicións establecidas na cláusula quinta.

Así o outorgan no lugar e data do encabezamento, subscribindo o presente convenio por triplicado exemplar.

A presidenta da Axencia Galega
de Infraestructuras

O alcalde do Concello de Baralla

Ethel Ma Vázquez Mourelle

Manuel Jesús González Capón